



## **Aningaasanut Nunanullu Allanut Naalakkersuisoq**

### **Aningaasaqarnermut Ataatsimiititaliap suliaq nr. 01.31.06/07-00278 pillugu ulloq 24. september 2007-imi aalajangiinera pillugu Naalakkersuisunut ilisimatitsineq.**

(Naalakkersuisut ulloq 10. september 2007-imi aalajangiineranni imm. 2d)

### **Inuussutissarsiutinut ilinniartitaanernut aammalu ilinniagaqarnersiuteqarnermut tunngasuni ilassutitut aningaasaliissuteqarnissamik qinnuteqaat**

#### **Naalakkersuisut inassutigaaat,**

- kontomi pingaarnermi 62.03.10-mi, Ilinniagaqarnersiuteqartitsivimmi immikkut akiliutinut, angalanermut aningaasartuutinut il.il. tunngasumi, aningaasaliissutit -2.900.000 kr.-inik ikilineqassasut
- kontomi pingaarnermi 62.03.11-imi, Suliffeqarfiutigisani immikkut akiliutinut, angalanermut aningaasartuutinut il.il. tunngasumi, aningaasaliissutit 4.900.000 kr.-inik amerlineqassasut.
- kontomi pingaarnermi 62.02.08-mi, Inuussutissarsiutinut ilinniartitaanerit ataanni ilinniarfinnut tunngasumi, aningaasaliissutit 3.205.000 kr.-inik amerlineqassasut.
- kontomi pingaarnermi 20.05.44-mi, EU-mik suleqatigiinnissamik isumaqatigiissummit isertitanut tunngasumi, aningaasaliissutit -8.750.000 kr.-inik amerlineqassasut.
- kontomi pingaarnermi 20.11.61-imi, Ilinniartitaanermut sillimmatinut tunngasumi, aningaasaliissutit 3.545.000 kr.-inik amerlineqassasut.

#### **Aningaasaqarnermut Ataatsimiititaliap oqaaseqaatai**

Kontomi pingaarnermi 62.03.11-imi, Suliffeqarfiutigisani immikkut akiliutinut, angalanermut aningaasartuutinut il.il. tunngasumi, amerlanerusunik aningaasaliinissaq Naalakkersuisut suliami matumani qinnutigaat. Ilaatigut Inuussutissarsiutinut Ilinniartitaanermut Naalakkersuisoqarfiup iluani kontonit pingaarnernit allanit tigusinikkut ilaatigullu EU-mit missingersuutitigut tapiissutitut aningaasaliussanit isertitat, ilimagineqaqqaartumit amerlanerusunik aningaasartallit qaffannerisigut nuussineq aningaasalersorneqarpoq.

Naalakkersuisoqarfimmit ilassutitut aningaasaliissuteqarnissamik qinnuteqartoqassasoq Aningaasaqarnermut Ataatsimiititaliamit 2007-imi upernaakkulli ilisimaneqalerpoq. Taamaalilluni immikkoortumi tassani aningaasaliissutit siunertallu imminnut naapertuuttussaanerannik piffissaagallartillugu qulakkeerinninnissaq pisariaqartinneqartoq ataatsimiititaliap arlaleriarluni Naalakkersuisunut eqqumaffigeqqusimavaa. Naalakkersuisulli qinnuteqaatit maanna nassiussaanni pissutsit arlallit pissutigalugit qinnuteqaat ataatsimiititaliamit imaaliallaannarlugu akuerineqarsinnaangilaq.

#### **2006-imi 2007-imilu kontoni pingaarnerni aalajangersimasuni atuineq**

Ukiuni kingullerni marlunni aningaasanut inatsisinit kiisalu junip naanerani missingersuutit pillugit ilisimatitsissutikkut paasissutissat tunngavigalugit takussutissiaq ataaniittoq inissititerneqarpoq.

Tamatuma saniatigut aningaasaliissutinik qinnuteqaat manna isikkumisut isikkoqartillugu akuerineqassappat 2007-imi aningaasaliissutit tamarmiusut takutinneqarput.

Konto pingaarneq	AI2006	N06	Nikingass.	AI2007	IA07 (07-278)	AI+IA 07	Prognose BOF07 pr. ult. Juni	
							(jan-juni 07-misut)	(Qaam. king. 1 )
62.02.08 Inuuss. ilinn. ataa. ilinniart. tunng.	121.086	121.548	-462	118.485	3.205	121.690	128.498	136.989
62.03.10 Ilinniaga. imm. akil., angal. aning. il.il.	6.286	3.440	2.846	6.428	-2.900	3.528	3.880	-3.210
62.03.11 Ilinniaga. imm. akil., angal. aning. il.il.	27.561	37.327	-9.766	29.187	4.900	34.087	29.856	40.397

Konto pingaarneq 62.03.10 Ilinniagaqarnersiuteqartitsivimmi immikkut akiliutit, angalanermut aningaasartuutit il.il.

Takussutissiami siulianiittumi takuneqarsinnaasutut konto pingaarneq taanna 2006-imi annertuumik atuinikinneruffiusimavoq. Taamaattumik 2007-imi aningaasaliissutit ikilineqarnissaannik siunnersuutip aammalu 2007-imi ukiumut atugassatut naatsorsuutigisat akornanni naapertuuttoqarsorinarpoq.

Konto pingaarneq 62.03.11 Suliffeqarfiutigisani immikkut akiliutit, angalanermut aningaasartuutit il.il.

Takuneqarsinnaasutut kontomi pingaarnermi 62.03.11-mi 2006-imi annertooujussuarmik atuinerusoqarpoq. Taamatut atuineruneg inatsisinik tunngaveqarnani pivoq, tamannalu Missingersuusiormut Inatsimmik erseqqissumik unioqutitsinerulluni!

2007-imi kvartalit siullianni missingersuutinik malitseqartitsinerumut atatillugu kontomi pingaarnermi tassani 2006-imi atuineruneg Aningaasaqarnermut Ataatsimiititaliamit apeqquutigineqarpoq.

Tassunga atatillugu Naalakkersuisut ilaatigut imatut paasissutissiipput:

*”Suliffeqarnermut Inuussutissarsiutinullu Ilinniartitaanermut Pisortaqaarfiup pisorta-qarfittut aallarterlaatat naatsorsuuserisoqarfiup pilersinnissaa ingerlannissaalu ajornartorsiutigisimaqai. Taamaallilluni aatsaat 2006-imi septembarimi aningaasaqarnermut atornerqartoq XAL tamakkiisumik atorlugu sulisoqarsinnaalersimavoq. Piffis-sami tassani pisortaqaarfinnut pingasunut taakkununga, KIIP-imut, SIIP-imut IP-mullu ataatsimut naatsorsuuserisoqarfimmit sullinnetartunut kontuni pingaarnerpassuarni nalunaarsuinermik nuussinermillu sulissarujussuaq malitserineqarsimavoq. Taamaattumik pisortaqaarfiup aatsaat ukiumi kingusissukkat paasisimavaa kontomi pingaarnermi pineqartumi atuinerusuteqavittoqartoq kukkusumik nuussineq pinnani..*

...

*Naatsorsuutitigut nassuiaatini taaneqartutut atuinerusutit marlunnik tunngaveqarput:*

*- Suliani kisitsisissatut naatsorsuutigineqartut 3100-iusut 100-nik amerlanerusi-mapput.*

*- Tamatumalu saniatigut pingaarnertut Nunatsinni angallannerup allanngortinne-qarnerata kingunerisimavaa ilinniartut amerlanersaasa ilinniarnerminnut atatillugu angalanerminni timmisartortariaqartarsimanagerat..*

...

*Aningaasanut Nunanullu Allanut Naalakkersuisoqarfik naliliivoq 62.03.11, Immikkut ittumik akiliutit, angalanermut aningaasartuutit il.il., suliffeqarfiutai, inatsisitigut pi-sussaaffigisamik aningaasaliissuteqarfigineqarnissamut piunasaqaatinik naam-massinniffiunngitsoq. Ass. akiliutit annertussusaat naatsorsuinermiluunniit tunnga-vigineqartut immikkut inatsimmi aalajangersarneqanngillat.”*

Ataasiinnarmik sammiveqarluni angallassinermik aaqqissuussinissap atuutilernissaa november 2005-imi ilisimaneqalereermat, tamanna 2006-imut tamarmut agguataarlugu atuinerusuteqarnermut nassuiaatigineqarsinnaanngilaq. Akerlianilli pisortaqaarfiup missingersuutinik (inatsisitigut pisussaaffigalugu) malitseqartitsisimannginera atuinerusuteqarsimanagermut nassuiaatissarpiaasoq

ilimanarnerusutut isigineqartariaqarpoq, soorlu tamanna Aningaasaqarnermut Ataatsimiititaliap apeqqutaanut akissuteqaammi siuliani issuarneqarneqartumi ersersinneqartoq!

Aammattaq ilinniagaqartut feeriarnermi akiliunneqarlutik angalanerinut, ilinniarnerminnik naammassinninnerinut unitsitsiinnarnerinullu atatillugu umiarsuarmik angalanissamut periarfissaqartoqanngikkaangat Air Greenlandimi bilitsit aappaluttut atorlugit angalasinnaaneranun maanna akuersissuteqartoqarneratigut kontomi pingaarnermi atuinerunissaq, maanna 2007-imi annertusiartuinnarnissaa aarleqqutigineqarsinnaasoq, Naalakkersuisunit pinaveersimatinniarneqartoq qinnuteqaammi allassimavoq. Soorunami aningaasartuutitigut tatineqarnissamik Naalakkersuisoqarfiup taamatut pinaveersimatitsiniarnera pitsaasuvoq. Tamatumunngali peqatigitillugu taama paasissutissiineq tunngavigalugu tupigusuutiginnitsoorneqarsinnaanngilaq ulluinnarni allaffissornikkut ingerlatsinermi nalinginnaasumik periaaseralugu bilitsit qorsuit siunertamut tamatumunnga atorneqarsimanerat. Pingaartumik feeriarnermi akiliunneqarluni angalanernut ilinniarnermillu naammassinninnermut atatillugu angalanerit pinngitsoorani piffissamik sioqqutsitsilluarluni sillimaffigineqartussat pineqartillugit! Angalanerimmi taamaattut ilinniarfiit ilinniartitsinermi periaasiat apeqqutaatillugu qaammatisiutini aalajangersimasumik akuttussusilimmik pisarput. Taamaattumik naalakkersuisoqarfimmi ilinniarfiillu akornanni aningaasaliissutinik atuisuusuni allannguinerup taassuma qangalili atuutsitsilersinneqarsimannginnera akisussaassuseqannginnerujussuartut isigineqartariaqarpoq!

Tamatuma saniatigut periaatsinik allanngineq siuliani taaneqartoq eqqaassanngikkaanni immikkoortumut aningaasaliissutinik ukiup sinnerani sippuisoqarsinnaanera Naalakkersuisut qanoq pinngitsoortinniarnearaat paasinarsisinneqanngilaq.

Napparsimasunut tassanngaanaq angallattariaanngitsunut sulinernullu atatillugu angalanernut tamanut Peqqinnissaqarfiup bilitsit aappaluttut taamaallaat atortarmagit apeqqummut itisiliissutitut paasissutissiissutigineqassaaq. Assersuutigalugu inortuineq puigornerluunniit pissutigalugit bilitsi atorneqanngippat angalaneq inuup nammineq akilissavaa.

Aammattaq aningaasaliissutit atorneqarnerannut akisussaaffik pillugu apeqqut eqqumaffigineqartariaqarpoq. Ilaatigut aningaasat atorneqarnissaannut akisussaaffiup oqartussaasunut assigiinngitsunut marlunnut avinneqarnera pissutaalluni innarluutilinnut tunngasunut oqartussaaffiup misiligutaasumik tunniunneqarnera aningaasartuutit aqunneqarsinnaanngilluinnartumik qaffannerannik kinguneqaqqaarsimavoq. Kontomi pingaarnermi tassani assinganik ajornartorsiuteqartoqarsimasinnaavoq. Aningaasaliissutinik pimoorussilluni aqutsiniartoqarsinnaaqullugu uppenarsaataasumik assersuutigalugu angalanerimut ilitsersuutitut ilusilikkamik uppenarsaammik saqqummiussisoqartarnissaa pisariaqartinneqartoq Aningaasaqarnermut Ataatsimiititaliaq isumaqarpoq.

Kiisalu kontomi pingaarnermi aningaasartuutit inatsisitigut pisussaaffiunngimmata oqaatigineqartariaqarpoq. Iliuuseqarnissamulli nalinginnaasumik pisussaaffeqarneq tunngavigalugu kontomit pingaarnermi tapiissutinik tunniussisarnermi naleqqussakkamik killilersuinikkut atuinerup unikaallatsinneqarnissaanut Naalakkersuisoqarfik qanoq iliuuseqarsimanersoq pillugu paasissutissanik saqqummiussisoqanngilaq.

Konto pingarneq 62.02.08 Inuussutissarsiutinut ilinniartitaanerit ataanni ilinniarfiit

Nalunaarsueriaaseq apeqqutaatillugu Aningaasaqarnermut Pisortaqaarfiup kontomi pingaarnermi tassani 2007-imi atuinnissaq 128,5 aammalu 136,9 mio. kr.-it akornanniittussat taggissimavaa. 3,2 mio. kr.-

inik ilassutitut aningaasaliissuteqartoqarnissaanik siunnersuuteqarnikkut aningaasaliissutit 121, 7 mio. kr.-inut amerlineqarnissaat siunnersuutigineqarpoq.

Aningaasaliissutilli amerlissutaat ingerlatat assigiinngitsut annertusineqarnissaannut immikkut atugassanngortinneqarnerat, aamma suliassaqarfimmi ingerlatat annikillisinniarneqarnersut pillugu paasissutissanik peqartoqan-nginnera, aamma ilassutitut aningaasaliissuteqaraanni aningaasaliissuteqanngikkaluaraanniluunniit aningaasaliissutaasunit annertunerungaartunik ukiumut atuisoqarnissaanik ilimasulersitsisumik missi-ngersuutitigut taggiisoqarnera eqqarsaatigigaanni atuinerussuteqartoqarsinnaanera aarleqqutigineqarsinnaavoq, tamannalu piviusunngortinneqassaguni missingersuusiornermut inatsimmi aalajangersakkanik unioqqutitsinerussaaq!

#### Konto pingaarneq 20.11.61 Ilinniartitaanermut sillimmatit

Ataatsimiititaliami naggasiullugu maluginiarneqarpoq ilinniartitaanermut sillimmatit qinnuteqaat una aqqutigalugu 3,5 mio. kr.-it sinnilaarlugit amerlineqartut. Missingersuutitut tapiissutit pillugit EU-mut isumaqatigiisummut tamakkiisumik naapertuuttumik aningaasat taakku atorneqarnissaasa qulakkeerneqarnissaa assut pingaaruteqartoq ataatsimiititaliaq isumaqarpoq. Taamaattumillu aningaasat taakku ilinniartitaanermut tunngasunut toqqaannartumik iluaqutaanissaat pingaaruteqarpoq. Ilinniartitaanermut tunngasuni qitiusumik sullississutitut, soorlu ilinniartitsinermut, ilinniartitsinermi atortunut attaveqarnermullu aningaasat atorneqarnerisigut tamanna aatsaat pisinnaavoq. Tamanna tunngavigalugu aningaasanik taakkuninnga atuinissap ataatsimiititaliamit siumoortumik akuersissutiginissaa kissaatigineqarpoq. Tamatumunnga isumaqataaneq uppernarsaqqullugu Naalakkersuisut qinnuigineqarput.

#### Aningaasaqarnermut Ataatsimiititaliap aalajangiinera

Ajornartorsiutinut siuliani taaneqartunut Naalakkersuisut itisiliillusutaasunik oqaaseqarnissaat siunertaralugu Naalakkersuisut inassuteqaataasa isummerfiginissaat Aningaasaqarnermut Ataatsimiititaliap **kinguartippaa**. Naalakkersuisut akissuteqaataat kalaallisut danskisullu kiisalu qarasaasiakkut uunga piaartumik nassiunneqassasoq qinnutigineqarpoq: [nch@gh.gl](mailto:nch@gh.gl).

Inussiarnersumik inuulluaqqusillunga

Augusta Salling

Aningaasaqarnermut Ataatsimiititaliap siulittaasua